

擇石齋文集

蘊石齋文集卷第二十

秀水 錢 載 坤 一

碑

誥贈通議大夫陸公神道碑銘

乾隆四十有二年

孝聖憲皇后升祔尊恩山東提刑按察使陸燿既得晉贈其祖考妣晉封其母循例以本身妻室所應得由巡撫上請馳贈其曾祖考通議大夫妣淑人於是其曾祖考生於明崇禎十五年五月初一日卒於

本朝康熙五十年十二月二十三日妣生於崇禎十六年三月初七日卒於康熙六十一年七月十三日以雍正八年月日葬於縣之二十九都巖角圩祖墓之次越四十七年得於

其墓立神道碑而請銘於其同年生錢載吳江縣蘆墟鎮之  
陸在明初世爲農七傳日照然字君亮五子埰元埰元垣元  
圻元堦元埈元字廣生卽大夫也配吳氏君亮同楊維斗讀  
書於里之泗洲寺始爲儒至大夫而且讀且買蘆墟之中亂  
後隱居村屋數間水田數十畝有投券乞爲僕者予之值而  
焚其券於書尤熟資治通鑑綱目宋名臣言行錄每夜分闔  
蓬門瓦鏡熒熒子若婦東西侍爲講說古今奢儉勤惰門祚  
興衰之理吳淑人率諸婦操作紡織夜而計數或不足訓勵  
不假顏色以故家範爲蘆墟之所推嗚呼是蓋有其善而無  
其名者天壤間不以名驚而卒以名受如陸大夫者幸而蒙  
賴

國家推恩雖遠必及其所以顯晦遲速蓋有其時夫乃益信

夫爲善之不必懼而爲善者之必有後也如大夫其可以爲其鄉之行路者告矣子五銓銘鉉鎰鍾銓累 贈登仕佐郎

承德郎中憲大夫通議大夫孫十二銓出者三 瓚麟洲鳳洲

瓚國子監生三禮館膽錄議敘山西保德州史目累贈承德

郎中憲大夫通議大夫曾孫十七瓚出者耀其述其先之行

誼也皆所聞於虔實府君者虔實瓚字也無溢辭銘曰

陸之得姓在周之季在漢曰賈始顯文字魏晉而後蕃衍江

東元有琦者作譜敬宗二百六十其支有餘中吳之介乃有

蘆墟蘆墟蕭森大夫之廬大夫之壟松颯吹噓大夫之葬耀

甫八齡有崇者碑大夫之靈

誥贈通奉大夫提督山東學政內閣學士兼禮部

侍郎國子監生錢府君神道碑銘

府君之卒未有狀葬未有銘嘗語其子載曰士既不能自見於當世以及其宗族鄉黨而鈔所著述此皆無可上史館者然則他日其何以爲我具行狀求誌銘蓋自康熙戊戌京師歸每油鐙夜坐與我母言范文正公置義田以贍其族人吾願之若成永安湖先塋山水之佳得壙於傍此生足矣我母曰來日薪水之無乃爲此必不遂之願先塋山水先人之德嗚呼載十一歲後常聞此言也乾隆辛酉我母卒竟得卜吉於先塋之次洲航山麓時載求銘於桑先生府君謂汝母之大端不僅於此礱誌石而刻未成載以壬申成進士官翰林辛巳辛卯兩拜

慈壽覃恩府君累贈通奉大夫 日講官起居注詹事府詹事兼翰林院侍讀學士我母朱氏生母陸氏累贈夫人於令

得立神道之碑丁酉

升耐覃恩晉贈通奉大夫提督山東學政內閣學士兼禮部  
侍郎嗚呼府君之德之有以庇其後人者其必遠矣於是載  
年七十有一乃議爲刻碑之辭府君姓錢氏諱炘字穉光又  
字父三自號邏水散人行六國子監生考州判職海鹽籍府  
君學舉業於陸堂陸先生講經學於竹垞朱先生所著有自  
賞集以應本省鄉試不得舉也應順天鄉試嘗出居庸關授  
讀於張家口外一夕大風雨山水驟至騎馬過大溪天大黑  
幾落於衝波明日聞關門塞巨石大風雨中飛過大溪者官  
乃歿繫關門以出府君之久客京師也不能以有所合於時  
歸而復應庚子省試乃絕意仕進以安其貧所居回溪草堂  
秋雨塌老屋數間欣然曰隙地數弓可以種吾菊平生心慈

口直面折人過而其人事後相見極歡蚤起常徧於同居諸從之廚還曰舉炊矣而府君之有無一以待於我母夫人草堂破書數櫃教其子以瀟灑不羣儻有遠志嘗曰不事家人生產學者以治生爲急是一說者宜何從吾蓋不得而兼之矣晚而舊朋徂謝葯房之雙扉畫閉課孫以自娛葯房者府君讀書處亦以自號也府君生於康熙十五年二月三十日卒於乾隆十二年正月初十日享年七十有二我母生於康熙十八年三月初五日卒於乾隆六年五月初五日享年六十有三嗚呼我母無出腹子以載之六歲失所生也蓋二歲卽鞠之鞠之至三十四歲而母卒以所生之不永也母常哭之則攜之以哭其年冬府君游京師七歲教就章家讀書八歲就彭家讀書望其能力而見其不能力也則爲之呼所

生而淚嗚呼以母之踰久而常然也而以思我所生之賢癸  
巳至戊戌六年也後堂樓下庶母丁氏姊妹之皆隨母東房  
曉起與母汲井春園爲母剛筍天陰未雨必令肩傘提屐以  
就塾大暑自塾歸飯必令藉竹簟於地頃而予之飯大雪之  
夜重門寂然溫書剝果擊庭桂之壓雪攜鐙攜兒以就寢家  
祠忌日一蔬一腐必薦而率之拜我父敬事寡嫂鍾孺人沈  
孺人數十年沈孺人自言若叔者可以爲子兩孺人居牆西  
讀易堂 旌門者也兩孺人憐母憐其子往來提攜稱好則  
母爲之喜外祖母倪孺人止生一女從舅家近在東灣沈孺  
人最善母倪翁無子特愛其女甥三家之遺之果餌常多夜  
紡一鐙均於弟妹不乏思此六年一生之樂其後常不得在  
母前矣然歸而時其飢時其寒旣娶婦猶出於母之手嗚呼



母殯在堂我父哭曰辛苦鞠此兒盡少待也然我母之所以  
教其子者初不屑屑科名雍正乙卯既舉博學宏詞元年丙  
辰北上母送之草堂目之出門明年被放歸母曰歸何益也  
貧我自爲之歸何益也然後知未嘗不望其成名生母生於  
康熙二十五年三月初一日卒於康熙五十二年九月二十  
一日享年二十有八嗚呼生母初胎子曰鐵官先鞠於我母  
而痘殤又鞠戴也生母之卒樓窗初曰我母急呼兒睡醒與  
之著衣攜過西房令之拜而哭於牀下也卒前一日生母據  
牀欲吐令於牀前揭銅鑪不能揭母起自揭之也猶記斷乳  
時攀母之衣夜夢一紅光神跳躍牀前驚唬醒則抱於母之  
懷洲航之麓府君豫營壽藏乾隆七年五月二十六日葬朱  
夫人陸氏祔府君之葬假歸以乾隆十九年十一月十一

曰丁氏以乾隆三十九年十二月初七日耐子男三載庶母

生莊星前歿也女二適士族長孫世錫戊戌進士改庶吉士

母又三歲卽鞠之至九歲辛酉而府君自撫之今孫男六人

女二人曾孫男五人女二人洲航山之左萬蒼山府君五世

祖考明孝廉魯南府君妣俞孺人陸孺人合葬之墓湖西高

祖考明贈奉直大夫戶部湖廣清吏司員外郎前文華殿中

書舍人巨源府君妣贈宜人馮氏合葬之墓皆面永安湖今

者松楸鬱然相望實惟先德之蔭矣我錢之先大抵篤行在

崇禎初先公侍御以諸生伏闕劾魏瑞疏云讀聖賢書傳家

惟忠孝二字府君沈淪孤特莫可顯先人之緒其他瑣瑣皆

非本意所存而丙舍青山內湖外海自謂茗花開日扶杖於

稻塍東西樵爨釣童居然以我爲可與之人此何如至樂者

矣則今日立石萬蒼山徑并記先塋尚惟我府君之心其永安哉嗚呼曾祖考御史孚于府君妣宜人黃氏祖考馳贈通奉大夫提督山東學政內閣學士兼禮部侍郎明孝廉雍頌府君妣贈夫人譚氏考國子監生又鶴府君累贈通奉大夫提督山東學政內閣學士兼禮部侍郎妣陸氏吳氏全氏皆贈夫人墓皆在埧城楊家橋全氏夫人又鶴府君側室實生府君自始祖以來具詳朱先生國子監生又鶴錢君行狀銘

曰

先德之承實以艱難惟道之樂惟貧之安婦道于貧艱難尤至勉相其家冀昌其世維我二人先德之承今賴昔貧傳孫及曾告我後人所生之德爾枝曷榮爾本曷植維我所生昊天培之以有錢後永永其思山靜如德湖深如恩我未報恩

刻石永存乾隆四十有三年歲次戊戌十一月之吉

賜進士出身通奉大夫內閣學士兼禮部侍郎男載撰

賜進士出身光祿大夫 經筵講官工部尚書無錫積瑛填

諱書

吳烈婦碑

皇清待旌烈婦嘉興協副將長白寔誠之妾主亾自縊身殉  
福建莆田縣吳氏之墓

乾隆五十七年十二月二十日用寔副將家留葬銀三十八  
兩經秀水縣夏子汝爲手買端平橋杉青閘河北地二分以  
葬近嘉興府志所載故明萬曆乙未進士吏部員外郎賀燦  
然所請旌丁烈婦楊氏墓之左

恩予原品休致禮部左侍郎秀水八十五歲錢載謹題立碑

右碑請 旌格於上司批未得爰依顏魯公題名體以  
立敬俟後之有道德能文章者爲高懸女之辭若載在  
世必復爲請 旌然據所實書敢告采地志者亦足攷

今并列呈魁前以癸丑復請仍不得也自記以待後之得請而撰碑

蘊石齋文集卷第二十一

秀水 錢載 坤一

墓誌銘一

周孝子墓誌銘

德清鄉飲賓周君國璠以雍正二年二月初九日考終後三年縣人聞君孝行於有司請於

朝旌其門祀忠孝祠後十七年乾隆甲子載客德清孝子

文吾來見謀葬乞銘蓋文吾貧也權厝久矣卜地屢不吉過

時不克葬又一年卜地復不吉於是載謹銘俟文吾之卜吉

而葬孝子字美如一字素庵居縣西百寮山下六世祖密博

學高隱父家任母李氏十五歲而父喪其明家故貧乃棄書

走營生以養戊午父病劇體不著牀者四十有二晝夜父以

愈方急時實割臂肉爲糜進己未父母相繼歿不飲酒不茹  
葷三年禮也其葬廬於墓側風雨呼號終其身忌曰必哭泣  
其舉鄉飲賓也爲康熙五十年正月十五日知縣事屠執玉  
席阼階上禮終歸祭其廟泣告曰國璠賤不及祿無以養無  
以祭今茲於禮當處士賢者鄉人許國璠免于惡行我顯考  
顯妣一鑑之也嗚呼可謂無忝爾所生也已當父歿遺命以  
兩世未葬既力葬曾祖考妣於方山陽祖考妣於烏鳶山麓  
從兄某一子流落外縣求之歸爲昏從弟某天葬之撫其殘  
昏嫁其子女嘗之龍游同舟木商黃遺其金拾而追及以還  
又之宜興遇有負債鬻妻路哭者倒囊金而畀之其人妻得  
不鬻鄰有費鬻其妻於巨室又亟爲贖之歲戊子水壬寅旱  
煮粥捐米阜安石橋跨大溪湍急易壞助修者三禮鄉三物

二曰六行者孝子者其有合焉非邪生順治二年七月十四日享年八十元配朱氏生一子殤繼室衛氏後十四年卒子二人雯文吾縣學生女三人孫七人明行縣學生景行偕行訓行尊行正行曾孫三人嗚呼葬難矣貧而葬尤難之難也世俗惑葬師說陰陽拘忌率常過時文吾豈有是乎然觀於其葬之難以慎孝子之修於躬而遺其後者不愈可思邪其葬也在某原以某年某月某日謹書之銘曰

設折俎如賓禮也生其鄉歿而祀也維孝子也山窆溪蒼有封若堂孝子子卜永臧

誥贈朝議大夫掌福建道監察御史范公墓誌銘

公諱甫霽字耕南號夢田姓范氏松江府儒學生以子械士貴



誥贈朝議大夫掌福建道監察御史配王氏贈恭人范氏相傳宋魯公從高宗南渡其後居湖州四安山之大村元末諱謨者始籍華亭至鄉飲賓宏寶生公考纘字笏溪貽贈朝議大夫妣莫氏贈恭人子三長卽公也次仁霑文燦俱府學生公生於康熙十一年閏七月二十五日卒於乾隆九年八月十九日年七十有三王恭人歲貢生岷始翁女生於康熙十四年六月二十一日卒於康熙五十六年七月十四日年四十有三今以械士卒之明年乾隆三十五年正月六日其孤孫錫圭穉圭卽厥考前此二年所卜地金山縣之南荒字圩庵浜起公冢而錄其長者馮氏所具事略請銘嗚呼藏與公子械士爲同年去其考之歿九年去其妣之歿三十有六年而械士始及第也歲卜地不吉力營葬不克而械士卒於官

也未一年而械士之孤奉其祖考妣奉其考妣暨其叔考妣  
同日窆於斯也嗚呼而載乃能以追副械士在日無窮之心  
公外和易而內剛介樂人之善如己善好行其德不求人知  
善處人骨肉之閒而昏嫁喪葬之力不逮者王恭人嘗贊以  
成之歲大疫施棺無數豫知卒日而自書其器儀於壁蓋聞  
笏溪翁之閉關著述也讀書至多旁通陰陽術數而亦工於  
畫人之求之則令製布絮襖無大小以一襖來以一畫去三  
時之積出而予夫寒者歲以為常有子如公其可謂無忝者  
已子二械士進士及第翰林院編修歷工科掌印給事中穎  
士華亭縣儒學生先公卒公之執友中允黃之雋豫為之誌  
女二一嫁黃中允子元度一嫁張俊民銘曰

士何以貧也仕何以貧也而不克葬其親也公平安矣非以

子孝豈以孫賢嗚呼其誰之天有崇三封兄昭弟穆考妣是  
從嗚呼范氏中失其世譜而我銘其祖

工科掌印給事中范君墓誌銘

松江華亭范君祖年其高祖考從元妣顧氏曾祖考宏充鄉  
飲賓妣張氏祖考讚國子監生著有四香樓集妣莫氏考甫  
霑松江府儒學生妣王氏其世有文學而爲善略見爲其考  
誌嗚呼君之孤先乞銘君考而乞銘君也君生康熙四十九  
年正月四日其曰祖之生日其年祖之六十祖臥疾久爰命  
名曰同而字以祖年也八歲喪母二十一歲補金山衛儒學  
生則更名械士乾隆元年舉於江南時其家蕭條一弟又未  
昏卒於是游豫章游粵東以養其父甲子自京師奔父喪方  
卜壤不得吉而夫人張氏當君客游爲貧家婦奉舅鞠弱子

女以病不起子錫圭始十四歲穉圭六歲於是君不再娶載  
家嘉禾松江嘉禾之華亭鄉也而未識君壬申

慈聖六旬萬壽恩科會試同中式

廷對

天子親擢君一甲二名進士及第遂同入翰林兩人相見輒  
亦道家事又明年載請假歸葬先考君送之而歔歔自責嗚  
呼耕南翁明形家言也而葬其子安敢不慎自時厥後且見  
君之卜壤而難其吉也以故非徒無財也丙子改福建道監  
察御史充順天鄉試同考官辛巳

慈聖七旬萬壽覃恩得贈父朝議大夫母恭人而請貤贈其  
祖父母丙戌轉兵科給事中戊子復充順天鄉試同考官再  
轉工科掌印給事中君履巡城而能其在御史嘗請禁南人  
之應順天鄉試而冒直隸籍者丁丑初改科制第二場試五

言八韻詩一首君請官刻韻一紙按號舍以給辛巳會試大  
 學士蔣公請量取薦卷以內閣中書用君請即再於中量取  
 以國子監學正學錄用皆得 旨行己丑於是君年六十矣  
 元日五更入 朝市門爆竹驚其羸車奔幾覆朝回 載過之  
 猶心悸也春寒 監糶野寺他日歸語其子穉圭曰我祖庚寅  
 六十初度越十日歿我今踰其日矣先世無大壽我其久在  
 世乎三月下旬病且亟錫圭在廣東以舉人揀發廣東試用  
 知縣而穉圭後於弟前年來省君方肄業太學而女壻胡鼎  
 蓉方試春官皆侍君夔州太守徐良祠部王顯曾知醫皆朝  
 夕視君親朋視君者滿君邸而四月十三日以卒嗚呼祖年  
 不可知而可知豈其數邪自君卜考妣之壤餘二十年也乃  
 以前此二年得吉金山縣之庵浜其法又當以明年葬則吉

而君歿君之孤扶匱歸松江乃以明年正月六日起君考妣  
冢庵浜維君及夫人實耐左嗚呼可知而不可知其數邪  
君深黷昌黎讀書當先識字之語博通字書兼明醫家形家  
視緩急及患者皆若在己同年御史雲南馬君卒幾幾萬  
里經紀之歸其喪篤厚師門而誘掖後進如將弗及夫人歲  
貢生霞城翁女女一其壻以故父諡恪靖公勞績

欽賜舉人孫子女皆幼銘曰

詞臣以文匪侈爾文諫臣以言亦敬爾言天衢徘徊矧壽止  
斯光靈峰泐何不惜之今以有子益見平生從葬既吉尙後  
之榮

誥贈朝議大夫工科掌印給事中陳君墓誌銘

乾隆三十八年十月二十九日給諫陳鴻寶母潘太恭人卒

于京師享年七十有八又明年扶櫬歸杭州將合葬于其先大夫星垣君之墓而請銘蓋君以乾隆二十六年七月十四日卒于里年七十有一以卒之又明年八月葬於西湖山後小方井之原而未有銘也歲在辛未

天子南巡至杭州

召試獻詩賦諸生於行宮鴻寶與選賜舉人授內閣中

書舍人由是官於朝三遇

覃恩君

勅封文林郎內閣中書舍人

誥贈奉直大夫內閣侍讀再贈朝議大夫工科掌印給事中

潘氏

勅封孺人

誥封太宜人再封太恭人陳之先宋諫議大夫伯和從高宗南渡居臨安其後遷明州句章城之掌起橋十二傳而諱鳴球者爲明諸生君曾祖也子諱孟顯娶翁氏復居臨安爲仁和人子諱爾亮字敬齋娶周氏蚤卒是爲君考妣以孫鴻寶請得

馳贈妣封方其考之蚤卒也君年十四弟燮十二齡十歲喪七歲一妹尙襁褓詩書之家故貧祖父母又相繼歿歲又饑寡母艱辛孑立乃去而服賈嘗負米數十里外又博求相地之術往來浙東西周恭人亦亟欲爲子議昏而君則謂兩世未葬且諸弟未成立也旣徧歷江山川麓葬其考於西湖之集慶山葬其祖考妣於慈溪之永林廟後方家橋河西舊所嘗居句章城相近也而所以先其諸弟者旣使之皆有衣食



乃遵命受室年三十有四矣嗚呼孝乎惟孝友于兄弟周恭  
人苦節五十年年踰八十猶得以孫子之既官告於其先君  
蓋嘗讀其先妣行略而見其十四歲後之心豈徒其文章之  
能爲足感人已邪君精相地術應人之求惟恐不及以爲切  
於其父母者猶之我也而尤急於爲人子之貧者然其得疾  
也以相地故可以知其德意之所存已君諱熹太恭人考諱  
連城錢塘人有隱德居江干太恭人九歲而喪其母沈氏二  
十有九歲而來歸雍正元年癸卯十二月也甲辰正月三日  
未而月周恭人命之曰我之爲陳家婦也難明日爾夫婦生  
曰家政相付矣蓋朝議與太恭人不同庚而同以正月四日  
生甲辰正月四日以後太恭人之相夫子治貧家幾四十年  
孝於姑恤同爨叔之羸疾及其嫠昏嫁其子女而姑以釋悲

蓋四十年所實惟恭儉慈惠以有造於陳氏子二鴻寶仁和縣學生歷官工科掌印給事中鴻賓仁和縣學生女子三國子監生汪國賓刑部安徽司郎中沈世燾國子監生錢敏錫其壻也孫子四大椿大樽皆國子監生大楣大有孫女四歲在壬申余交給諫於京師後請於朝議以其季女字我子敏錫余聞朝議之風而未嘗拜於其家太恭人之來京師九年則邸居咫尺稔其賢其合葬也以乾隆四十年某月某日銘曰

維周恭人苦節之詒維大夫孝友之承維太恭人克相之勤而其宗以興北高峯陰法華山左我銘其藏而思其南渡之

遠祖

朱府君墓誌銘

府君諱修永字懷谷嘉興縣人載之從舅也曾祖諱承顯祖諱昌來勅封文林郎舉鄉飲大賓考諱振康熙己未進士知舒城縣事授文林郎有惠政卒於官祠名宦又祠鄉賢妣凌氏封孺人府君以國子監生累試不得舉考職州佐配沈氏舒城之弟諱拔實生先夫人舒城之居州東灣我家羅城浜相去不半里府君於諸妹中獨賢先夫人而先夫人於媵沈尤相契載六齡喪所生母先大夫客京師先夫人撫教之蒙舅氏府君之恩歲爲求塾師送之就塾曰常過塾視之而沈孺人數數遺之果餌皆以先夫人撫教之故府君病二日卒雍正八年七月十日也享年五十有九距生康熙十一年十月十八日某年月日葬於縣之北辰字圩祖墓之南時則孤子應桃求銘旌而先夫人命載書之也後二十五年爲乾

隆二十年八月九日而沈孺人卒距生康熙十年八月六日

年八十有四以某年月日合葬焉則先夫人棄不孝載已十

有五年矣嗚呼是歲載請假於家也執事孺人喪次孤子榮

桐求誌墓又二十年奉命江西假歸拜先人壟過州東之

居既還朝思先夫人思府君思孺人而乃爲之誌府君色笑

不苟其行於塗也峩峩然遇物謙冲親串多倚之以周急解

紛其隨舒城任也上官檄催逋賦三千府君賣己產以墊解

而舒城卒新令謂曰民逋之數未銷入交盤冊而徵以還君

府君慨然不之諾舒城三子伯季蚤卒爲之殯撫其孤凌孺

人病湯藥必親者十年郡城之河淤太守屬董役以濬故人

之宦游者知其幹濟才屢相迎於是晚歲往來江南北歷乎

齊魯鄭衛之間而心神瘁矣孺人弱齡喪其考諱功尚嘉興

縣學生無子而無當爲後者既年二十歸於朱遽遭舒城喪  
姑老臥床第晨昏惟謹歲迎其母厲氏以養不利沈之所有  
擇族之賢以後之教子無妄交年踰八十猶曰問家事鉅細  
舅氏府君之未竟孺人蓋有以成之矣子三惟梅蚤天應桃  
娶陳氏蚤卒榮桐嘉興府學生娶俞氏女一適國子監生高  
光煒孫二燬會嗣應桃煥會蚤卒俱榮桐出孫女二曾孫某  
銘曰  
幼而知恩老徒云我之從舅朱府君州東半宅鄰已分維賢  
後人詩禮勤維賢後人詩禮勤北辰字圩松柏墳祖考是依  
神所欣老矣老矣媿此文

萍石齋文集卷第二十二

秀水 錢 載 坤 一

墓誌銘二

知夔州府事徐君墓誌銘

徐君守夔州一年而病假歸里己丑三月赴補京師復病僦居法源寺者三年壬辰五月引

見蒙

恩如例補原缺需次矣復病作甲午三月告部假轡歸四月三日去其家十數里歿於舟君諱良鄰哉字又次號其先吳縣人曾祖雲劬遷婁縣祖考完一考迪生皆贈文林郎內閣撰文書舍人晉贈奉政大夫廣西太平府同知祖妣張氏顧氏妣朱氏皆贈孺人晉贈宜人考以布衣篤行重於鄉二

子安國太學生君襲縣儒學生雍正壬子中式江南四十三  
名舉人榜名觀光後改也乾隆辛酉以考取補內閣中書壬  
戌充

玉牒館騰錄官乙丑

玉牒成議敘加一級拜文綺白金之

賜戊辰以大學士保舉監督通州裕豐倉辛未

恩詔加一級推升廣西慶遠府同知丙子閏九月蒞任己卯  
調太平府同知庚辰三月實授癸未籤升四川夔州府知府

甲申五月引

見越日詣 圓明園請

訓蒙

上垂問

溫諭有加九月泣任其在廣西丁丑攝河池州連月理舊贖  
二百餘秉燭吏倦數易必得其情州俗嫁女不及時而宰耕  
牛知州日面誨以化之暑月行金城江羣虎踞山岡肩輿至  
而虎去州士盧思捷謁曰公之民始悍繼帖今感矣以公之  
將去此也其去河池老幼扶攜酒漿二百四十里接於德勝  
戊寅攝天河縣旱爲文禱城隍神雨如注四境有秋壬午攝  
甯明州甲乙訟田數歲未決甲以賄求曰得之矣明旦與乙  
翕然而士官德他事將以金謝者不敢見邊俸之滿三年癸  
未巡撫禮爲秀峰書院院長君熟復宋儒之書時文法先輩  
聲在輦下至是而粵士樂之其在夔州兼權關稅清釐一切  
夔無書院至則勅建之營佔地牧馬訟數歲不直爭於制府  
以還民出開縣民之舅誣其弑母擬寘極刑者勞逾一年而



病不可以彊矣君十五歲而喪母洎乎計偕甫入京而布衣  
終於家布衣之教其子也曰爲國家有用之人君體清性慈  
直而廉謙而厚內外二十年餘而其所就止此嗚呼君嘗語  
余學術之達於功名固其命也然而不得謂非有用者矣君  
生康熙四十三年十月二十六日享年七十有一娶同里吳  
氏處士愕女兩遇

覃恩請貤贈而未受封子二鳳鳴太學生先卒鳳翔太學生  
四庫全書騰錄女二長適同里鴻臚寺序班袁瑋子太學生  
四庫全書騰錄秉直次適蘇州元江直隸州知州宋惠綏子  
太學生思德孫子四屏翰耆霖孫女四君之名觀光官內閣  
實工於書及養痾僧寮也應人之求得金以給余壬子副浙  
江榜屬同年己卯典廣西鄉試君監試內簾甲申賦詩送之

夔州已丑來京老而益相得也暇輒過之愛其日書不輟小楷鍾王行楷董文敏是月春寒忽投筆空中幾絕遂不復書行之前日謂曰三年法源未嘗一言失也嗚呼自舉之南不能過法源矣嘗謂曰我死子必葬我今鳳翔卜以乙未二月十六日葬君青浦三十八保五區三十七圖山字圩祖兆之次嗚呼徐之世蓋不得詳以是誌君宦績歲月不略俟其後之起而大之者銘曰

君南孫侍子畱我邸計至而奔諾銘以涕先塋昭位匪我葬君樹之松檟納則吾文嗚呼大夫其介守節是曰平生庶乎豪傑嗚呼大夫城南之寮風晨月夕色泯聲銷嗚呼大夫宰木蕭蕭

誌贈中憲大夫尋甸州知州袁公墓誌銘

袁之先諱國度以上家山陰縣治之西小江楊新大橋今祠  
墓具在其族以耕讀爲業公諱灝字毓暉號瀾谷錢塘縣學  
生國度者公會祖也繼室徐氏生子三長諱萬慶公祖也配  
徐氏康熙初始遷杭州以雍正九年合葬於西湖之九曜山  
乾隆四十五年

萬壽覃恩賜贈中憲大夫妣贈恭人考諱必顯妣尹氏生子  
二長卽公次瀚武生有子鎬孫昇庶母周氏生子治六安州  
吏目無子乾隆二十六年

慈壽七旬覃恩賜贈儒林郎翰林院編修妣尹氏贈安人三  
十六年

慈壽八旬覃恩賜贈朝議大夫刑科掌印給事中妣贈恭人  
以四十二年合葬於西湖四眼井之山麓謹按鑿所述行畧

公生康熙二十九年正月二十二日少而績學博瞻宏通事其父母以孝聞年三十餘屢躋場屋遵例捐知州職仍南北鄉試數次丁卯選雲南尋甸州於是公年五十八歲矣以儒爲治勸四民務本安分守法立書院日與諸生講習砥厲尋甸人

本朝未有鄉薦者乾隆癸酉科雲南鄉試州之生楊中選領解而公之長子鑿亦舉於浙江方戊辰王師征金川雲南貴州綠旗兵俱奉調尋甸當其衝公材既肅且敏絡繹旁午往來民間不知過兵本州奇營兵亦奉撥公自犒於廩給外而周其孳民間不知出兵也嘗播嵩明祿勸二州在官凡四年辛未之春會鞠尋甸疑獄有以爲囚當死公以爲不當死力持不可忤上官意遂劾公霹爛倉穀被議落職錄其家

鑒擗擋奔馳於二年限內完課又二年丙子公歸而丁丑鑒  
中進士選翰林于是公徜徉湖山者七年癸未二月二十二  
日卒享年七十有二元配徐氏生康熙二十九年七月初四  
日卒雍正十三年九月初十日享年四十有六孝于舅姑禮  
接其娣姒族黨有無雖少必相卹居姑喪盡哀力嫁其夫之  
女弟生子一卽鑒蓋十二歲而失其母也嗚呼太君旣嘗教  
其子矣而其子不得母一日養也後鑒官江蘇常鎮道 馳  
贈其外祖父澎中憲大夫母恭人繼室王氏泗水知縣需之  
女康熙四十八年正月二十五日生於山東官舍年二十九  
來歸時鑒十四歲寒燠飢飽惟母是依其居舅喪也盡誠盡  
敬生子一鈞泗水自錢塘僑居嘉興府城癸未後太君嘗語  
鑒家無一椽安得買宅與舅家近也久之鑒買宅府城秀水

縣報忠域奉母江南官廨以四十一年三月二十一日卒享年六十有七公三膺 恩榮

慈壽七旬覃恩 勅封儒林郎翰林院編修徐氏贈安人王氏封安人

慈壽八旬覃恩 誥贈朝議大夫刑科掌印給事中徐氏

贈恭人王氏封太恭人

升耐覃恩 誥贈中憲大夫徐氏王氏贈恭人茲上以五十

四年某月某日合葬於海甯州袁花鎮妙果山之四轉池原

鑿丁丑出子門卒鈞來請銘嗚呼孟子曰不得不可以爲悅

傷心哉歐陽公瀧岡阡表昔人謂詳書己之勳階官封爵號

食邑所以著先德之所致朱子先祠焚黃文曰流根之報無

復後期且葬韋齋先生也慎之又慎矣然則葬固人子大事

而國恩推及尤至重至切哉今戴之於袁亦旣表所云列  
其世譜者已鑿以給事中出歷江南江甯布政使鈞辛卯舉  
人候選教諭孫男三宗勳通州運判宗壽貢生朗國子監生  
女六曾孫男五佛喜佛寶佛祚佛佑佛祐銘曰  
袁大夫藏于斯也妙果山四轉池也繫恩榮先德致也用  
鑿官德所自也山陰西湖兮海昌松林柏林兮相望仁心及  
物澤孔長雖去其官吏則良又廿六年刻銘章

國子監生陳君墓誌銘

君姓陳氏桐鄉人也諱大謨字方來號澹園國子監生其先  
世爲河南人高祖守道者字德培慕浙東西山水之佳來遷  
於石門縣橫湖之北明貝瓊有歸石門詩云不待秋風起恩  
恩歸石門蓋石門明初爲崇德縣桐鄉本崇德縣地明宣德

四年析置德培之來遷在宣德析置之後故今子孫爲桐鄉人橫湖之北結屋數楹西則臨河南有石橋今里人所稱陳家橋也其堂曰耕樂以農桑爲業自號夔南居士配梁碩人實佐理焉是爲陳氏遷浙之祖既歿而其子奉其考妣合葬於石門地茅蓬之北夫自號曰夔南居士而來遷於浙豈偶然也哉君子於此可想見平生曾祖獻廷字旣修號靜村妣吳碩人祔葬其考妣墓之次祖宗建宇茂林號梅嶺妣沈碩人邵碩人以明季避亂遷南門之世濶堂歿而合葬於祖塋之東北橋之西考國縉字爾耕號清軒妣魏碩人鍾碩人三子君其季也清軒以世濶堂居其伯子常藝命仲子堯文暨君遷縣南鳳皇浜之禮耕堂堯文無子君以長子國子監生名世爲之後及伯仲之歿亦祔葬祖塋之次蓋茅蓬之北陳



氏之葬三世不必仿周禮墓大夫之法而必有合焉者曰清  
軒之傳三支君之子孫其一支也君生于康熙四十三年十  
二月十八日卒于乾隆五十一年八月十三日享年八十有  
三先娶張碩人無所出繼孟碩人今子男二人亮世均世俱  
國子監生孫男十人詩球桐鄉縣儒學生其八人俱業儒今  
墓在河之南橋之北其與張孟兩碩人合葬也卽以其年九  
月二十九日仍不遠于三世之兆域而陳氏之墓之有銘自  
君始夫誌之所重墓之所在也東漢墓誌所重嘗不在文飾  
其平生之言行夫子孫而可立家傳後非其言行有合於善  
者能妄希天道哉茲敘次先墓以誌君之墓此則陳氏之世  
譜也已銘曰

書曰作善降百祥易曰積善必餘慶誌其葬而誦斯言卜其

後之善必昌茅蓬地兮松柏蒼陳家橋兮河決泱君之後兮  
昌桐鄉

誥授奉直大夫吏部文選司主事晉贈朝議大夫  
廉古汪君墓誌銘

君之歿二十二年矣予今八十四歲乃爲誌墓人生百年何  
予之于朋友一倫流涕無盡也傷哉君家故饒至于君獨貧  
君才早慧讀書最多謂當大有用于世晚甫一第而不壽嗚  
呼君歿通陰陽數術之學孔子罕言命又曰不知命無以爲  
君子孟子謂得之有命孔子曰有命孟子謂得之不得有命  
聖賢輒言命豈有外于君所推之珞璩術邪子于里中君前  
一輩人哭朱明府沛然陳明經向中祝典籍維誥則君之舅  
氏而外舅也同君一輩人則哭王比部又曾萬孝廉光泰君

一

弟孝廉仲鈞明經又辰此豈予之命也邪自君身後諸郎科

第仕宦皆不若君之身艱難今葬之曰子男四孫男十七曾

孫男四女三女八女五此固君之命然哉君姓汪氏諱孟錡

字康古號厚石浙江秀水人先世休甯國初來遷桐鄉曾

祖考森桂林府通判戶部江西司郎中誥授中憲大夫有

小方壺存彙粵西通載若干卷妣黃氏封恭人本生曾祖

考文桂內閣中書四舉鄉飲賓誥封奉直大夫有鷗亭集

妣黃氏封宜人祖考繼燦鷗亭次子後于弟森康熙戊子

舉人歷官吏科給事中巡視臺灣妣張氏考上墳歷官大理

府知府妣祝氏皆誥授奉直大夫封宜人大理四子君

其長也大理教子嚴宋儒理學之書皆自授之雍正乙卯為

娶婦即祝宜人之女姪蓋大理惟及為冢子娶婦其諸子女

皆君子父歿後爲弟昏而嫁其妹者也乾隆元年丙辰君年  
十六侍母從父官盛京入官京師辛酉母歿君扶匭攜弟  
歸里卜壤葬母于海鹽山茶花漾之原乙丑大理出守遣家  
歸丙寅大理卒于官君奔迎匭歸合葬于新阡休甯之汪皆  
祖唐越國公華遷桐鄉者至君始以進士起家既官中書謂  
身已食祿所受產悉以畀兩弟又辰彝銘君之于父母弟妹  
不能不謂其孝友也桂林裘杼樓藏書甚富皆借鈔于江南  
故家同里則倦圃曹氏竹垞朱氏予嘗共君言書且無論其  
聚見卽可矣君之于書豈止見也哉壬戌癸亥甲子間君及  
弟仲鈔字豐玉同余于小方壺萬卷之儲豈止觀其大畧了  
卯余客京師庚午君與豐玉同舉于鄉而豐玉年未三十以  
癸酉歿嗚呼才與命相妨蘭摧玉折其奈之何哉自後君爲

瑄舉子躋躋名場中閒支離藥餌者且十年嗚呼讀書之  
有命也又誰謂不然哉所著古文辭經術金石雜彙未整理  
其已刻者厚石齋詩集十二卷豐玉桐石草堂集萬孝廉集  
君序而刻之嗚呼嘗謂吾黨諸子皆不壽其詩之已刻者若  
王比部丁辛老屋集萬孝廉柘坡集君及弟豐玉集陳明經  
毓恬匏村集雖莫信其必傳然異日采乾隆閒詩不能舍此  
數家不收也則其可傳者信在是已君以乾隆庚午舉人壬  
午春恭遇

聖天子三舉南巡趨赴常州恭進迎 鑾詩龍井見聞錄十

二卷得

旨留覽 賜緞二匹 召試入選授內閣中書丙戌成進士

仍官中書轉典籍升吏部文選司主事恭遇

慈壽覃恩

誥授奉直大夫後以子如藻官恭遇

萬壽覃恩

誥贈朝議大夫生康熙六十年九月十四日卒

乾隆三十五年閏五月二十八日享年五十君之舌如蓮藥微有痕若將分辦然吾未見有二也其來蓋有自哉君辦事內閣卽充方畧館纂修又

御批通鑑輯覽平定整噶爾方畧

大清一統志皆身兼其

事君約身以儉同儕譏其儉不中禮則固兩失于偏矣君之得于天者未嘗不厚然亦未嘗不薄也使不若加挫折然而稍申之壽則所出入敷布儒者之效豈不遠且大哉元配祝氏秀水內閣典籍候補主事維誥女 誥贈宜人晉贈恭人孝子舅姑動識大體祝自明虛齋先生萃歸田講學輩出聞人女子而有舊家風範若恭人者惜其無年耳生康熙五十

六年十月十八日卒乾隆九年八月十七日年二十八繼室  
金氏仁和乾隆壬戌會狀禮部侍郎姓女 誥封宜人晉封  
太恭人其稱未亡人也二十二年間成就諸子大有造于家  
生雍正八年四月十三日卒乾隆五十六年八月二十四日  
享年六十有二今以乾隆五十七年十一月七日合葬于桐  
鄉縣永新圩之原子四如藻祝氏出乾隆乙未進士翰林院  
編修出守撫州升興泉永道未赴丁繼母憂如洋金氏出乾  
隆庚子 恩科會試第一名 殿試第一甲第一名 賜進  
士及第翰林院修撰 上書房行走爲仲鈔後君先以如澈  
後仲鈔殤復以如洋也如潮妾范氏出直隸武清縣丞范氏  
生雍正十三年七月初十日卒乾隆二十六年七月二十八  
日年二十七如淵金氏出嘉興府學生其合葬也元配繼室

妾附一穴四兆銘曰

曠野無山兮水流東千秋白日兮長掩封

擇石齋文集卷第二十二終



擇石齋文集卷第二十三

秀水 錢 載 坤 一

墓誌銘三

盧室管氏墓誌銘

國子司業盧君穀聞母夫人計將奔歸卜葬並營尊甫寅齋先生壽藏而乞同年錢載爲妣誌謹按狀姓管氏貴筑人以穀官例贈宜人考遴康熙庚午解元威甯府儒學教授妣馬孺人宜人早失怙母瘵疾手足不仁以女侍舉動備得安年十六而嫁盧之先浙江天台明貴州前衛左所百戶藩障始家官所人

本朝代有科仕然尚儒術不事生產又經兵燹舅燦文學遺七歲子而孤姑周太宜人端介益無宿儲或餽之非義不受

泊衰手足亦不仁以婦侍舉動無奴婢親潔廁脬太宜人宮  
詹起涓妹歲七十稱觴屋隘葺小山園數楹小山園者文學  
所構依石板寨之小山宜人酒食供匠役則鬻醫珥以繼比  
移居壽辰女賓之來多華飾宜人荆布與接待蓋其于貴富  
之介泊如已先生困諸生念母苦節莫以報宜人勸教于  
苟書種有託不於其身亦孝也嚴冬相與單衣忍凍不輟課  
縫綴炊爨十指盡皸瘃丁卯庚午璐穀舉于鄉壬申恭遇  
皇太后萬壽恩科璐以明通榜授教職穀成進士改翰林院  
庶吉士每報錄至念周太宜人不及見諸孫之立涕泗交頤  
癸酉璐補餘慶縣教諭甲戌穀散館授職檢討欲請假歸覲  
乃勸先生我二人尚未衰兒輩宜奮志庶他日得焚黃告先  
墓君其攜穀婦入京於是先生至京穀就寓蕭然宜人獨力

于家踰五年先生以離鄉久歸叔季方偕侍而穀婦病且歿  
宜人聞之哀甚詎知終以積勞得疾不起邪自周太宜人後  
家政恪守歲時躬滌祭器饌客手烹飪遇孤寡老病輒量俸  
嘗曰物雖微施于當阨未必無補嗚呼宜人之以貧而造于  
廬者可謂賢而難顧未享穀一曰之養榮封未逮悲夫生于  
康熙四十六年正月二十日卒于乾隆二十五年八月十一  
日其葬以二十六年十月二十五日在鳳皇山子四璐穀琬  
璿女二長適王楚次許張無瑕子孫八名憲名懋名慧名惠  
名恕名懋名懿名志孫女四銘曰  
安其所難樸而不飾以有子孫母也力歸于斯左壽藏小山  
之家奕葉光

誥封恭人劉母孔氏墓誌銘

鳳臺縣兩舉鄉飲賓康熙乙酉武科解元孔君諱興鈞之女

同縣雍正壬子科舉人揀選知縣候選同知 誥授奉政大

夫 誥贈朝議大夫刑部貴州清吏司員外郎劉君諱滋善

之妻分巡廣東南韶連兵備道松齡刑部貴州清吏司員外

郎柏齡之母 誥封宜人晉封恭人是爲劉母孔氏壽七十

有九歲乾隆三十六年三月初二日卒生康熙三十二年六

月初九日朝議之墓在縣來山之原去縣三十餘里松齡柏

齡卜以明年正月二十六日奉匱合葬焉具狀來請銘孔氏

系出東魯恭人幼時鄉飲君授以小戴禮諸篇輒解其義年

十九歸朝議忘其家世之豐盛執爨射汗澣以事其舅姑朝

議爲獨子旣補學官弟子恭人則色養代匱不以分夫子績

學之心由是凡所宜于劉氏者五六十一年以來率敦朴而近

于古其訓子也嘗曰不矜紉行終累大德又嘗曰居家理故  
治可移于官其處家也女子毋踰闔男子十五以上毋入庭  
院于歸之數月遭祖姑喪後遭舅喪皆盡禮乾隆乙亥遭姑  
喪朝議哀毀骨立明年朝議卒于是手營兩葬松楸碑碣使  
悉如度己卯柏齡官于京迎養于京丙戌松齡自粵入京迎  
歸其里柏齡亦歸恭人鶴髮融怡一堂四世婦俱名楣女適  
士族其卒也有孫五男三女曾孫二男嗚呼婦人能明大義  
而膺多祉如恭人者是可以銘矣銘曰

鬱鬱崇岡茲辰壽母耐于幽堂鬱鬱崇岡維壽母之德以翼  
爾後昌

誥封恭人柴氏墓誌銘

乾隆四十有一年四月初九日宛平分巡南汝光道退園張

公元配 誥封恭人柴氏卒享年七十有六于是退圃自爲之行略其長子模豫卜地于永定門東南南海子東北蕭家村將以六月二十九日葬而乞載以銘謹按恭人柴氏浙江仁和人曾祖望廣東布政使張公伯祖福建按察使宏俊同順治丁亥進士年家也祖考謙御史康熙朝以建言得罪考載庸康熙己酉舉人知永平縣事妣張氏恭人行二雍正甲辰張公薨于杭明年偕歸京師恭人以不逮事舅姑歲時祭祀未嘗不泣下恭人之持故家門戶備歷艱難公旣以諸生被薦舉蒙

世宗憲皇帝恩分試工部授虞衡司主事是時果親王管工部以河工積贖不得銷委兼理都水被劾被罪于通州者二年丙辰

皇上龍飛蒙

恩起用補刑部主事歷戶部郎中出爲河南南汝光道以商  
城縣事望誤效力軍臺恭人蓋先後共辛苦者四十年教其  
子不姑息中間壬申模成進士張氏自其族祖永祺順治壬  
辰及第至是蓋百年矣恭人少慰而教其孫益力十餘年來  
公以免役歸兩子旣官而歸最幼庶出子上學又一女恭人  
愛之如己出高氏姑有遺女撫之十二年嫁之如女家雖曰  
支誦諸孫英英日上今年曾孫生恭人亦自以爲晚而差得  
聚順去年次子桓赴補四川今年二月 國家平兩金川桓  
以奉解喇嘛入京宿留未發恭人乃疾大作以終子孫曾皆  
奉含斂而前數日其從弟適來又兄子亦在乃有三千里外  
母家子姓嗚呼恭人之所處亨嗇不常而得于天者可謂不

薄非其所積有以自致也郭恭人生于康熙四十年十一月十一日其嫁也二十有三歲以乾隆二十六年

慈壽恩膺受 誥命子三模壬申進士選庶吉士改官部

曹提督廣東學政桓廩貢生重慶府通判庶出者榮孫子七

光熙庚寅科舉人光烈中正附學生光然中達光熊光照孫

女八曾孫一曾孫女二嗚呼恭人系出浙西載以年家子誌

其葬爲恭人南瞻錢塘增重鄉里銘曰

其亨齋其齋亭五十四年亦既有成涼水河東其藏孔安修

林列遙山環

張孺人墓誌

朱沛然霖齋君之元配孺人張氏國子監生諱侶劉女母沈孺人兩家世居梧桐鄉稱德門舅拔貢生涓笠先生既歿



事姑張孺人王姑水孺人孺人體素羸姑又多疾親湯藥者數載王姑老而性嚴恪孺人婉從儀法旋治兩喪哀瘁遇心疾不能有身乃勸君蓄一婢家故儒百畝之田廢且盡婢不能安也遣去人初疑孺人之妒君既久困諸生負遷府治之東灣嘗賴孺人女紅之所出以饗時復得貞文金孺人必請所自來又賃遷滌湖之南岸吾徒二三耆方落漠自溺于文章造君必數日留吟醉轟然必徹曉而孺人供饌必立辦必潔盥忘乎君之囊必空也其自處極約君嘗游近地分錢半贖游累月歸而半贖如故然鬻嫁具以趨人急曾不責其償性不事仙佛念君四十無子遂長齋夜輒露禱於斗已酉君以五經舉于鄉明年下第歸孺人復爲置妾費氏居歲餘不舉禱益力漏盥不休轉習鍊養之書動若有悟而心疾作矣

語家人今年冬至殆將死已而一晝夜疾驟劇呼執費手曰  
汝當有子吾不及撫吾子也一淚卒實雍正十年十一月初  
四日嗚呼孺人女子願賢明而貧而無子而不壽悲夫生康  
熙廿九年正月初六日年四十三繼子某纒而正于位明年  
會試君復下第歸以其冬月日葬于先壟其女弟之夫錢載  
謹爲誌

蘅石齋文集卷第二十四

秀水 錢 載 坤 一

墓表

處士張蒿庵墓表

聖朝天地之德之大物物涵煦以生長成遂其間之以處士自見者類如江南之顧絳山西之傅山康熙己未以博學宏詞薦而一辭一不至臃腫拳曲之木實霑雨露以遂其山澤之生山東濟陽張爾岐蓋其閭然者矣爾岐諱字稷若號蒿庵以明諸生入

本朝順治庚寅當貢太學以病不行其病既困乃口授墓誌生於萬曆壬子七月二十二日歿于康熙丁巳十二月二十八日其所著儀禮鄭註句讀十七卷顧氏謂使朱子見之必

不僅謝監獄之稱許至今江浙間爲儀禮之學者稱焉庵張  
先生先生之學深于漢儒之經而不沿訓詁遂于宋儒之理  
而不襲語錄其荅論學書云士生今日欲倡正學于天下不  
必多所著述當以篤志力行爲先蓋闡然君子之自得者也  
惜其學辨五篇僅存辨志一篇然已足以見其學之正其所  
爲文處士前川府君墓表將仕佐郎龍溪府君墓表亾室朱  
氏權厝志隻字必謹而皆得于經之意夫南豐之作開朱子  
先其亦何必不近之矣前川府君其祖也諱蘭龍溪府君考  
也諱行素爲石首驛丞曾祖諱信其遠祖諱大倫明初徙自  
棗強其子孝寬諸生孫瑞源曾孫昭木元孫本碩來孫克敬  
克明克敬今轉徙山海關外以備耕克明爲農于濟陽年過  
三十而未娶嗚呼崇禎己卯以石首之罹兵難也欲蹈水死

欲著道士服入山以有母之待養也自抑自制而不敢遂高  
庵者自題其居者也養其母三十四年龍溪墓表云康熙壬  
子郭孺人以正月十三日歿及門艾尙書諷之仕卒以病自  
廢教授其鄉里守其道立其言蓋後其母六年以歿嗚呼是  
則可謂處士也已其他所著易經說略八卷詩經說略五卷  
夏小正注一卷弟子職注一卷老子說略二卷蒿庵集三卷  
蒿庵閒話二卷濟陽縣志九卷吳氏儀禮注訂誤一卷春秋  
傳義未成山東按察使陸燿旣立蒿庵書院于濟南而復屬  
載文以表諸墓嗚呼濟陽人士縣城南二十里荒草寒流椽  
椽古樹者

大清處士張蒿庵之墓

勅封文林郎魏君墓表

君姓魏氏諱墀肥瞻其字也先世為諸城人元宏璧以孫官  
 贈奉直大夫三子奔謙讓以子官封奉直大夫謙留諸城奔  
 讓遷鉅野讓四子其仲德昭三傳曰惟吉子淦是為君高祖  
 曾祖紫祖韓考思齊以孫起鳳官贈文林郎君封如之妣  
 氏贈封孺人文林七子第五即君君少而超邁讀書嬰羸疾  
 為國子監生文林之治家善持籌君左右如志文林說之洎  
 乎中歲以兄癸巳進士朝知畢節縣到官未及旬歿而萬里  
 歸其匱也以兄庚子舉人陸康熙辛丑壬寅連歲大禮父捐  
 館舍綜家務里人訟之年且老而任其遺賦落其產為之償  
 也以兄寧縣學生之歿于南鄉以弟相縣學生之年未四十  
 暴卒而皆為之葬也以兄陞之來鄉下車股傷歿于幼小之  
 姪家而迎其匱于家也以母年八十自文林謝世十一年中

哭其四子歿承重遠出而力葬爲諸孫先也倫紀之關他無所見庸常之極輒亦相忘然則今日之以起鳳請而表其墓也爲魏氏言之與爲鉅野之人言之與爲諸城之魏之人言之與過其墓而觀者可以思已君生康熙三十七年五月二十六日卒乾隆三十五年三月二十日享年八十有三配姚氏居簡女克修婦職生康熙二十五年二月初四日卒乾隆四十一年正月二十二日享年九十有一子二起鳳壬申恩科進士廣信府興安縣知縣沂州府儒學教授起龍曹州府儒學生孫四曾孫二其葬于玉山西南祖墓之次以乾隆四十一年三月二十九日未有銘

曹先生墓表

維小越一曰三都今紹興府上虞縣之鄉曹先生之故里也

夫以國爲氏其在後漢孝女娥之父盱會稽上虞人也則曹

叔之苗裔有散居其鄉者矣康熙五十四年乙未載生八歲

拜先生于嘉興縣治前彭家之塾乾隆五十三年戊申載年

八十一先生之孫均請表先生之墓而小越之譜莫由攷鳴

呼載何敢曰不知先生當年苦節不可貞之難先生諱櫛字

元拱號竹鄰生于康熙二十一年八月初一日高祖考鼎二

失諱妣蕭氏曾祖考諱當仁妣陳氏皆葬上虞祖考諱明進

字秀峯三歲喪父九歲喪母二十五歲始遷嘉興業銀工爲

人朴直而果敢生於故明天啟七年正月十九日卒於

大清康熙四十五年七月十一日葬嘉興縣胥六都南洙浜

之原元配顧氏上虞西華人卒年二十二歸葬上虞祖塋生

子一甫二歲是爲先生之考繼配何氏上虞八字橋人撫子



如己出卒年七十有二合葬南洙浜考諱永甯字漢扶個儻而明敏樂與正人通士游力養父母無違言無戾色卒年四十有四配吳氏嘉善吳念珩女孝於翁姑雖貧卹母家之凋謝卒年四十有九祔葬南洙浜先生逮事祖考二十五年繼祖妣十六年逮事考二十年妣二十八年獨祖妣願上虞先壟遠隔錢塘江常不得歲寒食躬祭埽先生語及祖父之際流涕獻歎而不可以止先生少多病以質彭家之廡也遂師于震唐彭公寒暑夜誦徹五更鄰人闕之無有鑑背誦也彭公嘗語人舊家零落僅此一綫彭公冲谿先生輅之後其後令諸子轉師先生也十一歲五經通熟十四歲授徒以佐養借得左氏傳博求於兩漢以來之文今手鈔本子若孫猶園藏之庚寅補秀水縣學生先是丙戌秀峯翁八十卽世先生

爲承重孫免舉乃應試是時先生啟塾于彭公甯壽堂之西齋縣治左右人家童子冠者願業儒而爲舉子業者咸來從先生而載亦及于門八歲聽講聞先生告學者曰吾言之先後次第如是明日覆講當亦如是也若不記而忘之卽明日先問以補之不問而覆講闕必予夏楚矣諸弟子習而安焉早晚荅問不倦乙未至戊戌凡四年先生聘田氏未昏而亡兄曰田先生時時來請講習于是日聞陸稼書先生之說後乃知先生所學伊洛之學載年十七亦授徒閭巷先生遷徙無甯居雍正乙卯以後適館于梧桐鄉嘗一至山西歸而病矣乾隆五年十二月十七日先生卒享年五十有九嗚呼先君癸巳游京師先妣朱夫人教載就彭家塾也戊戌先君歸自京師庚子復教載從先生僅一年先生之爲學近而約不

驚窮高極遠有歸宿而無汜濫其處于世也寡營守拙無慕  
乎外而中無所憂蓋以是泊然自得以終其身其于書也則  
董文敏郡中嚴氏兄弟擅董書推竹鄰小楷于醫則薛立齋  
其道若至簡而常以活人閒應人畫扇竹石蕭疎刻印章必  
曰文三橋蓋藝術兼通而亦藉自給夫人陳氏江南常熟陳  
挺凡女井曰親操門內蕭然肅然一如先生意指夫人生于  
康熙二十二年二月十九日後八年七月十八日卒享年六  
十有五既權厝南洙浜祖塋之次至是卜者曰吉合窆起高  
墳竇五十年十月十五日誌銘未具子三熙昌燕昌烈孟未  
娶季無子昌燕秀水縣學生俱先後卒孫二均垣均秀水縣  
學生嗚呼當先生教學時里中之才能而勢力者俯視屑屑  
七十年以來有問其家無其處者矣而先生之子若孫僅未

絕炊猶然教學豈讀書之道之必有合於天哉夫天道固未嘗有所負於讀書也如我先生可以爲儒而窮者之所法矣先生嘗記秀峯翁語先世明一房諱軒者明正德甲戌進士明五房諱輻者正德丁丑進士攷正德甲戌三甲四十名曹軒丁丑三甲二百二名曹輻皆上虞縣匠籍先生之後之光大也其收族于會稽上虞哉

賜進士出身 誥授資政大夫 恩予原品休致禮部左侍郎門人錢載譏

國子監生張君墓表

國子生海鹽廷相張君初葬某原其子燕昌請其師秀水徵士張庚誌而納諸壙矣既懼其地之莫安體魄也乾隆四十八年遷墓于縣西南黎字五百七號角里山之麓于是去君

之歿廿有六年又四年請余文以表之燕昌曰先府君抱濟世之志而無其遇蘊及物之仁而嗇于力也蓋將以君平生之孝義播諸行路冀無終泯于斯世君諱維斗先世隨宋南渡來嘉興子孫散居馬涇之陽其一則曰大樹村考宗倫始徙縣城之安仁里妣高氏子三君其仲也聰爽而不凡弱冠讀孝經喟然曰家世孝弟力田我其何所以而可立身顯父母邪君之力且不足於服賈然惻隱所流耳目所接貨財不以私其身鄉里事有紛糾輒以理解之頑梗勢力者亦從而折服論說古今廉吏若身親其間願一掃宿弊安此樂業之人嘗謂司馬公誠積金積書我其無所以遺子孫矣乙亥丙子歲歉所在賑貸君顧其子曰麋饑補乏惟力之能其偶直此第勉行之旬日而民氣自定也嘗贖故家之鬻子飲食之

以至於長而歸之蓋族姻黨友之急時若有不可以少君者而君之家固未嘗有餘也卒年四十有四元配陳氏年三十以儉勤勞瘁卒君感之不再娶今合葬焉子一燕昌海鹽縣優貢生孫開福君嘗種瓜於城東隅遂自號瓜圃張徵士自號瓜田爲大書瓜圃二字以榜於其門歲在戊戌燕昌以貢入太學謁余于宣南坊奉瓜圃之遺像請題因作贊云好善而貧賴于宗黨其圃武原書聲莽蒼灌瓜守瓜自給給人傳經明經析薪負薪嗚呼種德如瓜種瓜及辰松其身高石其心介是子奉像是圖使拜三百年來獨行其儔海上往哲西村西洲嗚呼引蔓維夏結蒂維秋

蘄石齋文集卷第二十五

秀水 錢載 坤一

祭文

祖祠告文

孫載六歲失所生鞠于母朱氏父教之學蒙賴祖德晚始一第今官春坊恭遇

崇慶慈宣康惠敦和裕壽純禧恭懿

皇太后萬壽仰荷

皇恩加級追榮其先得 賜贈祖考又鶴府君爲朝議大夫

祖妣陸氏爲恭人繼祖妣吳氏爲恭人生祖妣全氏爲恭人

敬書 誥詞遺曾孫載錫請主祇受焚黃改題奉祀謹告

洲航山墓焚黃文

男茂失養顯考十有六年受顯妣鞠育恩二十有九年自六  
齡生母見背至于今未有一言之述賴先志遺蔭壬申得第  
今官春坊恭遇

崇慶慈宣康惠敦和裕壽純禧恭誌

皇太后萬壽仰荷

皇恩加級推榮所生得

誥贈我考葑房府君爲朝議大夫

妣朱氏爲恭人生妣陸氏爲恭人謹遣或子爲從子措後敬

錫請主祇受改題敬奉

制詞焚黃墓次以告

興城楊家橋先墓告文

孫載乾隆辛巳恭遇

覃恩得 貲贈榮典告祠祇受嗣是歷官詹事辛卯恭遇



聖母崇慶慈宣康惠敦和裕壽純禧恭懿安祺

皇太后八旬萬壽

天子推恩羣臣復以加級追榮二世得 誥贈祖考又鶴府君爲通奉大夫祖妣陸氏爲夫人繼祖妣吳氏爲夫人生祖妣全氏爲夫人今歲甲午奉

命典江西鄉試請假十日歸甲省墓敬書 制詞焚黃竝改題神主于祠深維祖德曷任悽愴謹告

洲航山墓告文

男 載 備官詹事乾隆三十六年辛卯恭遇

聖母崇慶慈宣康惠敦和裕壽純禧恭懿安祺

皇太后八旬萬壽復荷

覃恩加級追榮其先得 誥贈我考葑房府君爲通奉大夫

妣朱氏爲夫人生妣陸氏爲夫人今歲甲午奉

聖主恩典江西鄉試請假十日歸里省墓敬書 制詞焚黃

竝改題神主於祠伏念男六十有七歲矣康熙癸巳六歲失  
我生母音容不知幸蒙我母夫人鞠育深恩重經癸巳躬祭  
于墓乙亥清明隔十九年乃趨墓下戀松楸之成蔭留明日  
以瞻依十月十三日謹告

先祠告文

載永惟世澤積有由來俾陟朝階追于今日恭遇

孝聖憲皇后升祔

太廟恩詔仰蒙

皇帝孝思錫類推及 臣先得恭請 誥命賜贈我曾祖考雍

頌府君通奉大夫曾祖妣譚氏夫人復得晉贈我祖考又鶴

府君通奉大夫祖妣陸氏夫人繼祖妣吳氏夫人生祖妣全  
氏夫人復得晉贈我考葯房府君通奉大夫妣朱氏夫人生  
妣陸氏夫人實彰善慶三代榮膺敬以膳黃寄家蠲吉改題  
神主敬告

先墓焚黃文

曾孫男載自進士歷館闕既二十有七年莫能一報祖德茲  
恭遇

孝聖憲皇后升祔

太廟恩詔仰蒙

皇帝推恩及臣下之先得循例具摺恭請 誥命馳贈我曾

祖考明故孝廉雍頌府君爲通奉大夫曾祖妣

清故節孝譚氏爲夫人蠲吉焚黃維靈祇受松楸南望曷罄

哀思謹告

孫男

載

仰賴祖德備官于朝恭遇

聖母崇慶慈宣康惠敦和裕壽純禧恭懿安祺

皇太后八旬萬壽覃恩得

誥命晉贈我祖考通奉大夫祖

妣氏皆夫人甲午典江西試請假過家焚黃竇茲恭遇

孝聖憲皇后升祔

太廟覃恩復得

誥命晉贈我祖考大夫祖妣氏皆夫人如

前階騰黃以達維

靈祇膺謹告

男

載

歲甲午典試江西乞假省墓敬以恭遇

聖母崇慶慈宣康惠敦和裕壽純禧恭懿安祺

皇太后八旬萬壽覃恩所得晉贈我考通奉大夫妣夫人生

妣夫人

誥命焚黃茲恭遇

孝聖憲皇后升祔

太廟尊恩復得

誥命晉贈我考葯房大夫爲通奉大夫妣

朱氏夫人爲夫人生妣陸氏夫人爲夫人且蒙

馳贈曾祖

考通奉大夫曾祖妣夫人晉

贈祖考通奉大夫祖妣氏皆

夫人實惟慶積二人是以榮膺三代騰黃遺祭維靈祗承謹

告

祠堂告文

乾隆四十五年恭遇

皇上七旬萬壽錫福推恩

臣下得追榮其先載以祖父母父

母遺德之庇祐正月奉

命祭告于秦蜀四月回道沔縣聞

命補授禮部左侍郎於是我祖考又鶴府君晉贈資政大夫

祖妣陸氏吳氏全氏皆晉贈夫人我考葯房府君晉贈資政大夫妣朱氏晉贈夫人生妣陸氏晉贈夫人四被

天恩幽光發耀癸卯載以衰邁

恩予原品休致十一月歸里茲者涓吉設享祇奉 誥詞騰

黃焚達伏惟先靈默鑒

休命歆承神主改題永斯妥侑自今庇祐感慕何涯謹告

填城楊家橋祖墓焚黃文

孫載昭告於祖考祖妣之靈曰乾隆四十五年庚子恭遇

皇上七旬萬壽元旦

詔書覃恩得晉贈錢樞初資政大夫禮部侍郎錫之 誥命

晉贈陸氏吳氏全氏皆夫人春敷

慶典秩加臣下之先襄賁潛光四受 綸音之及癸卯載以

年衰蒙

聖主深恩予原品休致還鄉上冢

孫男

之報無復後期祇奉

制書焚黃以達我祖考又鶴府君我祖妣陸氏吳氏全氏

榮命臨承幽靈歆鑒伏念世澤非艱難一日諸孫有飢凍多

人泉壤仰渥疊膺本根俯慳相保儼憑我祖所祐將來誠知

責在孫身所不忘於日暮振興惟力銜感以哀尙饗

洲航山墓焚黃文

男載昭告於考妣之靈曰乾隆四十五年恭遇

皇上七旬萬壽覃恩晉贈錢爝爲資政大夫禮部侍郎錫之

誥命晉贈朱氏陸氏皆爲夫人

慶典崇加 綸音切被今男以衰邁蒙

聖主深恩予原品休致祇奉 制詞焚黃以達我考妣房府

君我妣朱氏生妣陸氏

休命四膺恩靈同鑒惟我庶母丁氏碩人弟姪爲儒贈賚有  
日長歆祀奕禩光榮男載年衰難以供職幸歸田里瞻省

封塋皆賴

君恩得紓親念今山上下數千株蔭木實惟四十年守墓郁  
老之所培近澗東南九畝許祭田猶是一兩家先世墳鄰之  
所種靈兮陟降湖曰永安嗚呼歿存具感矢報何涯翹首慕  
思薦芬摧咽尙饗

張夫人墓焚黃文

乾隆四十五年恭遇

皇上七旬萬壽錫福萬萬元日

恩詔德徧羣生歆幽褒顯是月



聖駕啟鑾南巡江浙

載

奉使祭告於秦蜀五月四日回道河

縣聞

命補授禮部侍郎於是實仰膺三代資政大夫夫人之誥  
命爾張氏以七月十二日病卒於京邸前封夫人茲晉封夫  
人癸卯二月載以衰邁蒙

恩予原品休致歸里卜以十二月十五日子時葬夫人於嘉  
興縣九曲裏之原誕揚

休命祇奉

制詞尙克歡承焚黃以告

祭張侍講文

嗚呼天道易知惟善人則昌後天道難知或善人而不壽先  
生之行已本末旣信於家而信於朝孝友誠敬抑然沖然眾

見其風標今先生歿矣墓銘疇作可不媿乎其昆弟子姓戚  
邨故舊暨其同僚家君各成辛未是年分校南宮蓋自太傅  
文端公少宗伯公及身及子以進士入翰林蟬聯四世矣人  
咸謂非先生之德又焉能集慶以居豐然則造物者其果不  
茫昧邪何高梧之棲鳳推老榦於秋風某等幸出門牆後先  
侍側疇昔非遙追念顏色維

天子深鑒其學問

特嘉其正直將大用之可卜忽云亾矣曷極月之二日館課  
諸生先生聿來指於東榮命賦屬寒賦猶未成何蟻兔之乍  
缺兮獨沈寥而上征上丁陪祀

釋奠辟雕松陰翔步諸生亦從昨朝待直待漏益恭何歸第  
而伏枕兮甫及旬以告凶嗚呼壽止中年醫慳大藥豈滋爲

善之懼實鮮人閒之樂千秋何如空傳著作雖華構其有承  
兮歷薛庭而淚落笑言已矣客座依然先生安歸歸于龍眠  
詎秋風之悲一唳兮乃輟奠乎總帳之前哀哉尙饗

祭劉繩庵相國文

同通政申公甫時  
尙未賜諡

嗚呼宏詞之科公爲舉首屬在同徵

載

先甫

後回憶丙辰之

冬

載則同試

保和殿中于今三十八年庚午之春公直軍

機

甫

則奉教相依于今二十四年回憶先後同徵二百六十

七人

甫

兩人白頭哭公其能不愴然其能不愴然嗚呼公

之以清德作相惟我

聖主恩遇實鑒知今者榮哀備矣而身後鴻筆之傳公自有

之况賢子孫之克承在于公則復何悲嗚呼甲申之夏錫壽

之堂同徵六人以詠以觴維陳楊暨王歷歲云亾今公箕尾

又乘白雲以徜徉秋雨蕭涼毘陵蒼茫踽踽兩人盡平生於斯章嗚呼尚饗

初祀永豐鄉田神蠶神水仙神文

永豐之鄉男耕婦桑維神福之以豐以康毋曰一方我社我蜡我

皇國之慶春賽秋報兮田祖洋洋田穀昌昌時憲攸謹大姑二姑三姑把蠶兮豈惟古曰馬頭孃蒼蒼兮平林汪汪兮曲塘田蠶兮歲穰維神靈兮惠斯疆

永豐鄉水泱泱神之來兮汎漁航西湖廟祀水仙王今茲作社昉在杭我漁之利兮撒網鳴榔維神臨之兮風雨徜徉如所如兮水一方賣魚得錢兮野飯香拜神之休兮山遠溪長

葺石齋文集卷第二十五

終

蘄石齋文集卷第二十六

秀水錢載坤一

萬松居士詞

南鄉子

雨歇禽鳴竹梧疎處假山青  
臍有寂寥人獨對紅翠點點秋  
花風影碎

掃花游

丁巳春三北裝初卸留止梧桐鄉於綠陰時誦王  
中仙舊盟誤了又新枝嫩子總隨春老之句輒爲  
和之

甚春不住驀酒散西園亂蛙深草倦游未了付煙侵郭冷雨  
遮江渺可是重來比得司勳暗惱步清曉奈桐露自流紛惹

衫帽 苔院何忍埽况只作天看更無人到簾沈夢悄謾  
迷鬢影鏡中年少紫陌鞭遲尙想朱門閉早漏斜照正雙槐  
乳鴉聲遶

蘭陵王

戊午十月三日偶擬西洲曲意成此闕

伯勞寂烏日門前覆碧西洲晚曾是幾番折取梅枝寄江北  
鴉雛帳鬢色粧飾單衫帶力郎何在搖槳弄花還趁南塘路  
無隙 低頭試尋覓漫損盡蓮心留下蓮葯分明憐得難憐  
得况錦袖波冷玉鈿香悄凝眸千里至雁翻但長斷書尺  
消息歲虛擲儘海動樓陰天垂簾額闌干素手凭將夕儻爲  
我愁繫待君愁釋西洲風好遣夢裏暫認識

清波引

庚午深秋憶采菱用石帚韻

竹繩區浦記瀟照掠沙燕舞唱歌心許晚荷映眉嫵動水撥  
青葉淺坐食缸划去沉安橫板船腰共郎壓兩頭處盈籃  
摘與趁秋熟還又幾度芡盤連否觸莖謾相語鄉煙渺難隔  
夢徧城南疎雨恰似尖角磨圓酒闌吟苦

探春慢

丙子臘月廿四日聞季弟星病卒于家而家書未  
至未知其卒日除夕孤坐不能長歌聊以當哭亦  
自哀也

鐙漫銷煙研還凍墨三更悽斷今夜別憶冬初書傳秋晚纔  
隔經春過夏誰遣連年病竟摧折寒風先化半生酸苦相同  
舊家零落無藉回首堂前幼小已萬恨蹉跎清淚空瀉寫

婦聲長孤兒影隻忍使汝魂悲咤埋得荒江骨算未了何時  
休罷五十明朝顛霜如許飄乍

齊天樂

戊寅初冬客以豆棚閒話圖屬題遂成此辭

展來瞥見吳天景誇他野人籬落竹翠撐高繩黃攪亂紫白  
豆花都著陰濃似幕幘蒲扇風搖暑村酬酢老矣鄉心何時  
拚忘少時樂田翁短屐跂腳學堂初放去涼動弦索葉罅  
星疎枝丫露重猜謎中間歡噓明朝又作任里嫗鄰娃坐聽  
聲各滿冊秋容幾曾能畫卻

木蘭花慢

癸未冬日

對紅鐙自翦紙窗薄布簾疎柰月正流天風將釀雪寒已徐



徐巖居照梅護篠甚三更憶到五更初烏几還親蠹簡鑿坡  
方負僊裾 躊躇蝶夢漫遽宿昔未應虛只愁來有路重  
番結轆沒箇分疏何如泥人病酒任蕭蕭短髮不勝梳坐聽  
飛鴻過也合教寄與誰書

一枝春

心齋侍御有綠意題筍之作亦成此咏甲申秋日曰  
是竹初生燕來時慣溼驚雷宵雨貓頭迸處最好引鞭深土  
村娃喚刷也須避棟風薺露遠只怕竄過東家卻近薛階無  
數成旬未成休誤憶連泥脫殼僧樓同煮參回玉版半似  
鬪茶佳趣蠶屨更穩甚多忌小名親付看幾日繡裯於菟夢  
占定許坤雅旬內爲筍旬外爲竹禾俗糞時忌有音同損呼筍爲羅蘭贊南  
許筍譜引占夢書夢竹生筍者欲有子息也侍御望得子切藉以祝之

玲瓏玉

乙酉初春張給事編修兄弟治具酌諸君酒闌戴  
儀部指几上盆梅同賦之

丁戊清齋乍忘了第幾花風今春閨仲暝寒幸莫怱怱況過  
橫街曲屋已杯光磨綠簾影篩紅蓼蓼憑譙樓更轉一通  
坐近疎枝矮本憶船來江外村在山中遠驛輕郵底相關費  
汝尋儂趨踏金鑿華組儘孤負離芟老竹徑補新松且拚醉  
看庭心煙月未濃

渡江雲

二月二十三日雪匏齋儀部招同心齋西壩兩侍  
御蒞鄉編修飲各賦一闕

雪晴晴更雪簾鉤曉挂嘉釀憶江村柳煙飄小院可便相撥  
杏雨又梨雲春今遇閨再幾朝纔是春分憑好語吳船新到

開甕待諸君 殷勤帽檐低 拂屐齒輕扶 笑閒坊鄰近 鑽事  
後常依屏曲 屢漬衫痕 寒禁料峭 高齋靜且 伴他明白 黃昏  
應只誤南園 撲蝶羅帶

石州慢

過張給諫編修兄弟偕尋紀侍御秦侍御遂游陶  
然亭歸飲秦侍御齋與紀侍御棋罷賦

雪霽收寒 風午釀春 天曠延矚 行人影成 三夾巷叩扉聲  
續林枯水淺 但借高閣危闌 西山早向城頭 簇芳草豈無心  
只今朝難綠 催促聊排酒具 莫待廚爨更攜簫曲 鴉暝俱  
還卻醉少游吟 屋鬢絲因甚 杜被一穗 鏡花年來 暗笑翁眞  
秃猶是未能拋 賭輸贏殘局

春從天上來

題李給諫恆齋巡視臺灣賞番圖

帆過澎湖指靖海當年收取方隅使轅山靜番社風舒

九重萬里春敷徧龜嶼龍岸向玉節羅拜恩濡語伊嚶儘人

皆齒黑男盡須無相看竹圈垂耳沉雞羽釵長蛤網花疎

白酒烏羊稠餉細布一般有淡巴菰坐榕陰成幄材官立鏡

吹鳴嗚寫橫圖况新詩百韻傳唱皇都康熙癸亥命提督施

海將軍靖海侯藍澤爲土著族龜嶼岸俱番社各其俗恐老男子頭白不留一須幼即墮耳實以竹圈更壯漸大如盤女子願插雞羽各莫良言齊整也又簪野花繞頭日蛤網賞雷以羊酒煙糖布縷之屬俱見給諫百韻詩注

踏青游

清明日答鮑齋儀部

酒病憎寒東鄰昨傳詞句還說道芳郊煙縷雜花香新草色

近鞦韆處可準備相挨好春時節莫忘少年情緒一枕危

眠高城曉鴉無語卻送得空庭細雨更簾陰兼雪點乍飛仍  
住悶怎遣憑君向天商略甚欲踏青難去

曲游春

午霽匏齋儀部仍邀過法源寺歸飲其邸同心齋  
侍御厚石舍人

雨後春生噤強將車停騎支徑催踏不出城南縱平蕪未展  
細塵都壓靜院松陰夾又那必早鶯噓恰問海棠盛否今年  
料理借儂禪榻此際人家歡洽定滿沃香飴鮮塗雕鴨歸  
醉非遲但頻教蕢酒何煩攜榼老賺澆愁法還幾見柳枝檐  
插敢道短拍新腔夜吟已怯

齊天樂

送諸桐嶼編修出守辰州

詞一

君南我北分秋賦蓬瀛比年呼伴讀書徵題論書收帖閏月  
剛催春瓊新恩

帝眷怡

行在綸宣虎符教綰杏白錫香送人官柳正如綫

城頭山翠二酉遶辰溪一曲雲映涼繖民物清時功名壯

歲此去相期何限連朝更款趁花外林亭雨餘歌管莫寄丹

砂醉顏還自暝

玲瓏玉

查榕巢太守招集接葉亭賞丁香花

去歲闌干爲銷黯坐盡黃昏懸鏡更醉樹如雙鬢添紛驟暝  
春衣乍換太濃香蓄露碎影搖雲清尊知心心麻緒怎分  
直是丁甯自愛莫絲來黏亂絮欲攪勻紫棟前頭替東風佇  
苦停辛從教金簪人戴顛相笑行遲展點立靜簾紋也應道

護惺惚明月閉門

又

接葉亭賞丁香花歸余既率填一闕明日榕巢送  
韻乃是分得庚字重賦以應

絳蠟吟殘曉簾卷  
蝶夢猶清緘來字小  
兩名半合先庚倚石  
臨檐那寫是霞舒  
葉襯雪綴枝擊  
丁香回柔腸天際又晴  
澹覆雲陰最好  
但斜收雨色緩約風聲  
樹在君家算蠻牋我  
亦多情深杯常偕游侶  
祝花更飄颻掠帽旂  
旋圍亭只除欠  
付紅牙唳箇嫩鶯

燕山亭

法源寺牡丹

水際林閒鄉景夢遙未易門  
敵塵海深占歛香靚擁新陰  
稽

首佛憐花在幸數春餘  
謾輕道冬嚴曾耐幽態  
讓暝窻烘將試鐙先賣  
叮囑今夜風姨候月姊  
停輪小心廊外松院露  
霏蘚砌雲鋪多關釋迦  
天界半坼紅苞須供養  
也知低拜根蒂誰不省  
韶華已太

菩薩蠻

丙戌消寒第一會  
芄野給諫齋咏玻璃鐙

殢人又數梅花九尊前  
明月梁間有蠟燭盡心  
能未嫌遮一層冰兒休  
比薄也儘絲兒絡裏熱  
外邊寒教君徹骨看

逍遙樂

消寒第二會  
松坪編修齋咏香櫞

清供尙延秋令縹緲堆  
盤消受韻疎香靜釀雪  
銅街矮几深廳且伴無  
言烹茗江村幽興記人  
家挂旭皴膚翦霜連梗  
道



鏡只闌干蟋蟀今宵露零愁思冷

鶯囀序

應 皇十一子教畫四時花卷并題此闕

年芳任伊刺促奈心長髮短隴頭別誰與探花不記何處人  
面溶溶月海棠開後辛夷塢疊蒼苔片怎銷凝姚魏家家信  
風吹棟 一夢前游買醉便醉甚鶯梭燕翦蕙香謝紅藥橋

邊忘憂應是無館北山南看春轎去裏湖外送春船轉卅餘

年拋撇蓮娃夜涼秋岸 披煙蓼嶼壓露豆棚謾舊園在眼

過絡角正飛烏鵲一水盈盈不動厭厭碧霄非遠同心可贈

珠江江上雙鬢都戴花田雪趁來逢只合殷勤慣了當玉杵

分明絕勝餐英子落況又如霰 輕衣成削幾許冬心向曲

闌自暝儘點綴山茶天竹媵了黃梅煞尾圖催全身筆倩蓬

菘咫尺成連琴罷翩然羅襪微步負笑相招奚事紅塵嬾從  
容稽首東皇歲歲春多倍教眷戀

又

應質郡王教既畫墨花四時卷閱歲己亥首春  
復屬題此闕

沈思流年暗換但花開到處問何事花裏春來卻又花裏春  
去醪醖了碧桐初引山籬颯沓吹荒雨儘中間葵扇蕉衫帶  
人銷暑不斷深情院本好手賺脂含粉吐幾梢墨學得文  
蘇宣和應也收譜水仙姝吳興清致野梅老會稽真趣笑難  
工橫卷催成略添殘句雙隄淥照萬樹紅霏算舊時樽俎  
弱柳外畫船撐幔影過西泠香入南屏酒闌無據回腸是九  
纏頭非一天涯芳草休歌者欠低回總苦湖邊樹霜絲兩鬢

疎疎怕見青銅未識樹定在否  
今朝還記隔歲重看要慢  
詞寫取怎敢道西園閒雅賞及溪藤馬後攜持尊前伴侶東  
風正起攢鬚分瓣蜂銜鶯啄蝴蝶鬧掩重門多把金鈴護  
忙韋曲家家惱徹更番禁煙百五

蕙石齋文集卷第二十六

終